

He Puna Kōrero

Wahanga 1 Wiki 9

Pānui 9 - Rāapa 1 o Paengawhawha 2021

2021 Kohungahunga

Kia hiwa rā, kia hiwa rā e te whānau
Mokopuna.

Pukumahi ngā tamariki pīpī paopao. Ia rā, ia rā, he mahi ia tamaiti, kia tū korero. Ahakoa te āhuatanga o te huarere, ka oma tere, oma roa, hikoi rānei.

Te Kaupapa Matua: Kaitiakitanga.
Rere mai ā rātau whakaaro ki te taha o Whaea Sylvia mātau ko Matua Matiu. Whai hoki tātau i te āhuatanga o te māramataka Māori o Te Tai Tokerau. Kua timata rātau ki te tito pao, haka hoki, kia matua mōhio ngā tamariki kei tēnā iwi, kei tēnā iwi ngā mātauranga Māori i roto i a rātau ake kōrero o nehera o te māramataka, ngā purākau o ngā atua hoki.

He mihi aroha mutunga ki ngā ringa raupā o te kura arā ko Matua Matiu rāua ko Whaea Carmen. Nā rāua te ringa āwhina i tautoko ngā tamariki, i manaaki manuhiri i ngā wā katoa, i ngā kaupapa katoa.



Ngā Iwi: 3.6 **Ma te rongo a te tamaiti ki te awhi, ki te arataki, ki te tautoko, ki ngā tohutohu a te Whānau me tona aroha hoki, e mau ai tona piripono ki te Whānau. He mea hopu te nuinga o enei tuahua. No reira, e tika ana kia piri tonu te Whānau ki ngā tamariki i roto o te kura, i roto i a ratou mahi hoki.**

Rā o te Wiki	Rā Timata	Wā Timata	Rā mutu	Wā Mutu	Te Mahi	He Whakamārama
Rāpare	1/4/2021				Te Rā Kohanga Reo	
Rāmere	2/4/2021		6/4/21		Te Wā Aranga	Kia mataara, mātua mā. Ka katī te kura i te Rātū hoki.
Rāmere	9/4/2021				Manu Kōrero a-kura	Wharekura—Reo Māori
Rāhoroi	10/04/2021	12pm	11/04/2021	3pm	Kapa Haka Mana Kura - tahi:He noho marae	He wānanga kapa haka. Kei te whakatau tonu a taumata īhiti ½ mehemea he noho marae kahore rānei.
Rātapu	11/04/2021	10.30am		12.30pm	Hui whānau	Te korero ngatahi mō te kura hou
Raapa	14/4/2021				Manu Kōrero a-kura	Wharekura—Reo Pākehā
Rāpare	14/4/2021		15/4/2021		Mana Kuratahi	Haere moata atu, noho ai te roopu Mana Kuratahi ki Otaki
Rapare	15/4/2021	Rā katoa			Mana Kuratahi - ka haere te kura katoa	Haere mai mātua mā ki Otaki
Rāmere	16/4/2021		0930—2pm: Rā Kaumatua			Rā whakamutunga: Rā katoa—powhiri / mihimihī / hurihangā / hakari / kapa haka /
Rātū	20/04/21		23/04/21		Kī-o-Rahi	Rere atu a Wharekura rātau ko Whaea Muri / Renee ko Matua Darcy ki Waitangi mō te whakataetae a motu.
Rāhina	26/04/21		28/04/21		Te Huinga Reo	Te Kapa mai te Te Huinga Reo kia hopu i te waiata i titoa i Te Huinga Reo ki Waitaha.
Rāhina	03/05/2021	9am 9.30am			Pohiri mō ngā tamariki, whānau hou	Huro- te timatanga o te wahanga tuarua

He kōrero apiti:

Whānau mā

- **Hākinakina:**
 1. Whakahokia mai ngā hate hākinakina
 2. Hei te Rātapu 11.04.2021: 10.30-12.30pm, he hui whānau motuhake. Kei te kōrero tātau e pa ana ki te āhuatanga o te kura hou. Kia hoki mahara mātau e maha ngā kaupapa o āua rā whakataa—Kī-o-Rahi a Wharekura mā, Mana Kuratahi - noho marae.



“Manaaki Mokopuna”



2021 Te Rā Kohanga Reo

He wā koakoa, he rā mahi ngatahi mātau ko ngā kohanga reo e rua, ko Te Kāhui kohanga Reo, ko Ngā Mokopuna hoki.

I puta atu ngā whakaaro nei mai i ngā whānau me ngā kaimahi o ngā kohanga:

“He rā rawe!”


“Harikoa ngā tamariki katoa”

“Te wā aroha ki te kite i te manaakitanga o ngā tamariki”

“Me ako tonu au i tōku Reo”

“Ka rangona e au te aroha o ngā tamariki ki ngā tamariki kohanga”

Ka nui te aroha mai mai ngā tamariki o te



Ngā Wāhanga Kura 2021

Wāhanga 1: 3/2/21-16/4/21 Wāhanga 2: 3/5/21-9/7/21 Wāhanga 3: 26/7/21-1/10/21 Wāhanga 4: 18/10/21-14/12/21



I te wiki kātahi anō ka pahure, i haere atu māua ko Meadow ki roto o Te Arawa, ki Rotorua mō ngā whakataetae ā-motu waka ama kura tuarua. I tū te whakataetae nei ki te roto o Tikitapu, pērā i ngā tau i mua. I haere atu māua ki tā Te Kura Kōhine o Te Rāwhiti taha, hoe tahi ai. Ko au tētahi o ngā kaihoe o te tīma J19, ā, ko Meadow i te tīma J16.

Tūrei, 23 o Maehe

I tū ngā whakataetae waka takitahi me ngā whakataetae waka tekau mā rua (double hull). Kōtahi noa te kōhine nō Rāwhiti i hoe waka takitahi, ko Niva tōna ingoa. I tae atu ia ki ngā whiringa toa mō te taumata Pereti, ā, i tuarua ia. I riro i a ia tētahi rīpene.

Mo ngā whakataetae waka tekau mā rua, i hoe tahi mātou ki ngā tama o Rongotai. I mua i te whakataetae, kāre anō mātou kia hoe tahi, kāore anō kia tutaki ki te nuinga o ngā tama. He 250m te roa o te reihi, ā, i tuawaru mātou.

WT12 : 8th, 01:08.20

Wenerei, 24 o Maehe

I tū ngā whakataetae waka takiono i tēnei rā mō te 250m me te 500m. E rua noa iho ngā reihi mō tōku tīma i tēra rā. I tū ngā reihi 500m i te tuatahi, ā, i tuarima mātou. Whai muri i ngā reihi 500m katoa, i tū ngā reihi 250m. I tuarima anō mātou i ngā reihi 250m heoi, mō ngā reihi e rua, i tata rawa mātou ki ngā tīma i mua i a matou.

Nā a mātou mahi, i uru mātou ki ngā whiringa whāiti mō te taumata oko mō ngā reihi 500m, ā, ki te taumata pereti mō ngā reihi 250m anō hoki.

W6, 500m : 5th, 3:10.94

W6, 250m : 5th, 1:13.94

Taite, 25 o Maehe

Rite ki te rā i mua, ko ngā reihi 500m i tū i te tuatahi. Mō te reihi 500m, i tuarua mātou. Mō te reihi 250m, i tuawhitu mātou heoi, pā tata rawa a mātou wā ki ēra atu tīma. Ahakoa ngā wā, i uru hoki mātou ki ngā whiringa toa mō reihi e rua.

W6, 500m : 3:00.82

W6, 250m : 1:15.92

Paraire, 26 o Maehe

I tēnei rā i hoki atu te kapa J16 ki Pōneke i te mea kāre rātou i uru ki tētahi o ngā whiringa toa. Nā tā mātou poroporoaki ki a rātou, i īhua takaroa tā mātou tae atu ki te roto i tērā ata. I te taenga atu, i puta wawe mātou i te wēne me te kohi i a mātou rawa hoe waka. Kātahi mātou i oma tōtika ki tā mātou reihi. Nā tā mātou tūreiti, i tata mahua i a mātou te reihi 500 heoi, i tae i mua i te timatanga. Mō te reihi 500m, i tuawhā mātou, ā, mō te 250m, i tuatoru mātou.

W6, 500m : 2:57.24 W6, 250m : 1:09.15

Tua atu i ngā reihi, he kaupapa pai te waka ama ki te whakapakari tinana, ki te whakawhanaunga tangata kē atu ā, ki te whai mātauranga e pā ana ki ngā īhuatanga o a tātou mātua tupuna. Waihoki, i te Taite, i haere mātou ki te Luge hei whakanui i tā mātou uru ki ngā whiringa toa. I kai hoki mātou ki te whare kai i reira. Kātahi ngā kai rōreka ko ērā. Hei whakakapi, nōku te whiwhi ki te tae atu ki te kaupapa rā ki tā Rāwhiti taha, E kore ngā mihi e mimiti.

2021 Mana Kuratahi

Nau mai haere mai whānau mā ki te tautoko i āu tamariki i te noho marae. Anei ngā mahi mā te whānau e āwhina:

Imera mai ki Mahinarangi mena e wātea ana koe ki te tautoko i ētehi o ngā mahi, ka noho mō te noho katoa rānei mahinarangi@gmail.com.

Rāhoroi —10.04.2021 Te wā: 12pm—9pm

12pm: Timata ai te parakatihi

- 1pm: āwhina i a Whaea Muri ki te hanga poi. Mehemea he tangata anō o te whānau e taea te whakaako he rautaki pai ake tērā.
- He karanga hoki tā Whaea Te Maari. Tautoko i a ia ki te mahi kākahu

Rātapu —11.04.21 Te wā: 9am—12pm

7.30am: Whakarite parakuihi (x3 ngā whānau,

8.45am: Karakia

9am: Timata ai te parakatihi

12pm: Dress rehearsal (kua kati)

12.30: Whakarite kai o te Rānui (x3 whānau)

2:30pm hui-ā-whānau/karakia/ka mutu

Kahore he utu mō te whānau. Heoi mauria mai he kai timotimo



Ngā rawa / kakahu:

- Pira, paraikete, hiti
- tarau poto mo ngā tama me ngā kōtiro mo ngā rangi e rua
- tihate mo te katoa, mo ngā rangi e rua
- kākāhū mahana
- tātua mo ngā poi/poi
- pātara wai

Nā runga i te āhua o te wā kei te kōwhiri ngā tamariki e tū ana ki te atamira hei tērā wiki whaimuri i Te Aranga kia whai wā whakapakari i ō rātou pukenga hei ngā rā whakatā. Kamakama mai whānau mā kia whai tautoko tāu tamaiti. He ngakau nui ki ā rātou e ngana ana ki te ako heoi me whai kaitautoko.

Noho Marae Mana Kuratahi (Reo Paraoa)

Kia ora whānau, come along and help support our tamariki at the noho marae. We need whānau to help:

10 Paengawhāwhā

- Prepare afternoon tea and dinner (x3 whānau)
- Stay overnight with our tamariki (anyone can stay, x3 whānau minimum)
- 1pm learn to make poi with Whaea Muri
Help Whaea Te Maari with the Kākahu

Please email Mahinarangi if you can help with any of the above, stay the night, or come for the whole noho mahinarangi@gmail.com

Hangi mō te Rā Kaumātua - 16 o Paengawhāwhā 2021

- hāngī fundraiser (250 for corporate delivery)
- hāngī for our kaumātua and tamariki for Rā Kaumātua

Whānau help is required, as outlined below. Let Rachel know how you can help. rachdav-ena.jones@gmail.com 027 6177227

We know many of our whānau will be supporting our tamariki at Manu Kōrero on Wed 13 April and Mana Kuratahi on 15 April in Otaki, but any help you can give will be appreciated, particularly when we return from Mana Kuratahi.

What	When	How long	Help needed
Vege prep (cutting)	Tues 14 April	1 – 2 hrs	2-3 people
Process bread for stuffing	Tues 14 April	1 – 2 hrs	3 – 4 people
Prep stuffing	Thurs 15 April 1 – 3pm	1 – 2 hrs	2 – 3 people
Prep and pack 300 hāngī & clean up	Thurs 15 April 3pm onwards	2 – 3 hrs	All whānau After mana kuratahi
Prep hāngī pit	Thurs 15 April	2 – 3 hrs	2 – 3 people After mana kuratahi
Light and put down the hāngī	Fri 16 April – 5.30am	2 – 4 hrs	5 people
Pull hāngī up & pack for corporate delivery	Fri 16 April – 10am	1 hr	6 – 8 people
Deliver 250 hāngī	Fri 16 April 11am – 1pm	2 hrs	2 people to support Te Ngaru
Serve Kaumātua & tamariki	Fri 16 April 12noon onwards		6 – 10 people